

Fongv Mingh Wuov Ndaangc taux Baengh Fim Zipv Zoux Liangx-ndeic Ndau yiem California

California Baengh Fim Yiem Zipv Zoux Liangx-ndeic Ndau Lorz Za'eix Zorc nyei Guanh bun daaih nyei waac-dengv

Ginv daaih nyei waac-dengv weic California Meiv Guoqv Buonv-deic Fingx caux tengx Meiv Guoqv Buonv-deic Fingx nyei gorn

Mangc Cou

California buangh jienv maiv baengh fim taux zipv zoux liangx-ndeic nyei ndau dongh oix qiemx zuqc liuc leiz siepv. Duqv ziox ziepc nin-zingh, maaih zoux liangx-ndeic mienh caux Meiv Guoqv Buonv-deic Fingx goux longx ndau mienh camv nyei zuqc laanh jienv taux maaiz caux siou zoux liangx-ndeic nyei ndau weic zuqc ninh mbuo nyei setv zeiv, mienh fingx, m'jangc a'fai m'sieqv, haaix nzaangh mienh, caux maaih bieqc deic-bung nyei sou fai, caux maaih ziox nyungc.¹ lh zanc hnoi, weic maiv baengh fim yiem duqv zipv zoux liangx-ndeic nyei ndau se la'nyauv camv jienv faaux weic butv-zoih mienh maaiz daaih gapv zunv weic zorc nyaanh, lung diev tiuv, caux la'nyauv nyei leiz.²

California Baengh Fim Zipv Zoux Liangx-ndeic Ndau Lorz Za'eix Zorc nyei Guanh se duqv liepc daaih lengc nyei yiem California Budget Act of 2022 (**AB 179**) weic fungx waac-dengv bun Zungx caux Liepc Doz-leiz Jien oix zuqc hhangv haaix nor liuc leiz taux maiv baengh fim yiem zipv zoux liangx-ndeic ndau weic bun zuangx lai-hnaangx caux Meiv Guoqv Buonv-deic Fingx longc ei ninh mbuo qiemx zuqc nyei. Lorz Za'eix Zorc nyei Guanh duqv mbenc naaiv deix waac-dengv yiem domh zuangx horpc fim dongh eix nyei wuic duqv jiu tong caux gauh camv 400 buonc zoux liangx-ndeic mienh, California Meiv Guoqv Buonv-deic Fingx bieiv-zeiv, caux camv-guanh tong gormx California saengv. Setv muez nyei gorngv-zunh se fungx bieqc yiem Ziepc Nyeic Hlaax 2025.

Naaiv deix waac-dengv se bun benx juqv kang:



Zorqv Meiv Guoqv Buonv-deic Fingx goux longx ndau caux fungx ndau nzuonx nyei jauv benx longc jienv nyei sic.



Liepc nyaanh caux tengx nyei za'eix bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh maaiz ndau.



Dingh, zorc, caux tuix gapv zunv zoux liangx-ndeic nyei ndau.



Siou longx California nyei zoux liangx-ndeic ndau yaac zorqv baengh fim zipv caux goux longx ndau benx longc jienv nyei sic.



Zorqv benx longc jienv caux beu jienv taux zipv ndau weic lauh ndaauv.



Dengv zoux liangx-ndeic yiem mungv.

Baengh fim yiem zipv zoux liangx-ndeic ndau se dongh zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh duqv maaiz ndau, maaiz duqv jhex, caux siou duqv lauh weic zuangx lai-hnaangx, fei caux suix-ndiangx, ndie-miev, caux ganh nyungc ei guei-jei qiex zuqc nyei, maiv bun maaih laanh, maiv baengh fim, a'fai pienx nyei jauv.

Zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh se dongh yiem loz-hnoi daaih zuqc laanh jienv taux maaiz ndau caux zipv ndau weic zoux liangx-ndeic caux longc ei Fingx nyei zong-zei.

Ginv daaih nyei waac-dengv weic California Meiv Guoqv Buonv-deic Fingx caux tengx Meiv Guoqv Buonv-deic Fingx nyei gorn

Ih zanc maaih 109 fingx duqv guoqv nzangc hung haa laengz zieqv caux camv faaux 60 fingx maiv duqv hung haa laengz zieqv gorngv se benx California Meiv Guoqv Buonv-deic Fingx yiem saengv, dongh goux longx wuom-gorn, ndoqv, koiv-hlen, yiem wuom nyei hieh zoih, caux maaih mieqv nyei ndau-beih yiem loz-hnoi daaih. Dongh liepc California saengv wuov zanc, Buonv-deic Mienh se zuqc hoic, zoux haeqv, daix, caux zunc cuotv ninh mbuo ganh nyei ndau caux ninh mbuo yiem guenx nyei dorngx. Weic naaiv, maaih camv nyei California Meiv Guoqv Buonv-deic Fingx ih zanc maiv maaih a'fai maaih mv baac zoqc nyei duqv zipv ninh mbuo nyei ong-taaix yiem nyei ndau, naaiv laanh jienv maiv bun ninh mbuo haih goux longx lung hndiev caux maiv haih ei guei-jei caux sienx nyei zong-zei.

Naaiv deix lengc jeiv nyei douh zong caux ceix cien caux California Saengv nyei jauv se qiex zuqc zhex yiemc hung haa mbenc lauh ndaav nyei juangc hnyouv, laengz ngaengc waac dau weic liuc leiz naaiv deix maiv baengh fim nyei jauv yiem loz-hnoi nzipc jienv daaih taux ih zanc.

Lorz Za'eix Zorc nyei Guanh nyei waac-dengv se duqv siou daaih yiem jiu tong caux Meiv Guoqv Buonv-deic Fingx bieiv-zeiv caux camv-guanh dongh ninh mbuo nzipc jienv mbenc gorngv taux longc jienv haic nyei sic se fungx ndau nzuonx oix zuqc maiv dungx maaih laanh, maaih haaix nyungc nengx jienv, a'fai ganh nyungc qiex zuqc nyei jauv. Fungx ndau nzuonx oix zuqc jhex gorn yiem maaih waac-naaic caux jiu tong caux California Meiv Guoqv Buonv-deic Fingx yaac oix zuqc taaih ginx taux Meiv Guoqv Buonv-deic Fingx bun ninh gunv ganh nyei fingx yietc liuz.

Ga'ndiev naaiv deix se ginv daaih nyei waac-dengv mbenc ziangx weic tengx haih fungx ndau nzuonx bun California Meiv Guoqv Buonv-deic Fingx yaac zorqv Meiv Guoqv Buonv-deic Fingx goux longx ndau benx longc jienv nyei sic. Oix hiuv duqv yietc zungv waac-dengv dongh guen taux Meiv Guoqv Buonv-deic Fingx caux oix hiuv muonc caux bieqc hnyouv toux taux hngang haaix nor haih mingh duqv taux baengh fim yiem zipv ndau nor, tov mangc taux yiem **gorngv muonc caux toux nyei gorngv-zunh.**

1.1.a Liepc Nyaanh Weic Fungx Ndaun Nzuonx Hnangv Ong-taax Yiem Nyei Ziangh Hoc bun California Meiv Guoqv Buonv-deic Fingx weic maaiz zoux liangx-ndeic ndau yiem ninh mbuo nyei ong-taax nyei deic-dauh.

1.2 Zorqv fungx ndau nzuonx hnangv ong-taax yiem nyei ziangh hoc bun California Meiv Guoqv Buonv-deic Fingx an jienv saengv nyei zingx leiz caux ziex norm gorn yiem hungh jaa caux hungh jaa ca'laangh horpc fim caux California Meiv Guoqv Buonv-deic Fingx; liepc Meiv Guoqv Buonv-deic Fingx Baengh Fim Zipv Ndaun Kuinx Waac Guanv dongh maaih gong dorh javv ei naaiv zeiv gorngv-zunv nyei waac-dengv zoux; liepc Meiv Guoqv Buonv-deic Fingx Fungx Ndaun Nzuonx nyei guanv dorh javv; dingc bun yietc zungv saengv nyei goux longx ndau caux zoux liangx-ndeic nyei zingx leiz caux gorn liemh jienv Zong-zei Goux Longx Lungh Ndiev nyei Wuonh Zaang; caux tiuv zingx leiz, leiz-latc, caux doz-leiz weic guangc nzengc laanh nyei javv caux la'nyauv nyei javv dongh guen tauv fungx ong-taax nyei ndau nzuonx caux bun California Meiv Guoqv Buonv-deic Fingx mienh haih duqv zipv ndau.

1.3 Fungx domh zuangx zipv jienv nyei ndau nzuonx bun California Meiv Guoqv Buonv-deic Fingx.

1.4.a Zorqv cuotv dongh laanh jienv maiv bun longc Zong-zei Goux Longx Lungh Ndiev nyei Wuonh Zaang (TEK) yiem domh zuangx caux gorqc zeic ganv nyei ndau, liemh jienv longc guei-jei nyei douz.

1.4.e Zorqv Meiv Guoqv Buonv-deic Fingx goux longx ndau caux Zong-zei Goux Longx Lungh Ndiev nyei Wuonh Zaang yiem koiv-hlen nyei dorngx.

4.2.c Oix zuqc njiec lingc hatc gorn oix zuqc tiuv zorc ih zanc maaih jienv nyei goux longx javv-ndaun caux gorn weic goux longx nyei leiz-latc weic bun Meiv Guoqv Buonv-deic Fingx longc ei zong-zei caux hungh heic nyei bun ninh mbuo longc zoux liangx-ndeic.


4.2.d Bangc dongh Longc Ndaun Zoux Duqv Cuotv Ziex Nyungc nyei Gorn caux Hungh Heic Longc Ndaun nyei Gorn weic tiuv dongh javv nyei zoux liangx-ndeic ndau mingh bun California Meiv Guoqv Buonv-deic Fingx a'fai zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau.

4.2.f Oix zuqc njiec lingc hatc jiu norpc weic ndau nyei guanv caux domh zuangx gorn oix zuqc juangc jienv ceix siou longx ndau nyei moux deic ganv jienv domh zuangx mienh, liemh jienv jiu tong caux California Meiv Guoqv Buonv-deic Fingx.

5.5.a Paaiv Zungx nyei Gong-gorn weic Longc Ndaun caux Lungh Diev Tiuv weic ceix nyungc zeiv nyei doz-leiz dongh tengx bun zipv zoux liangx-ndeic ndau lauh ndaun caux goux longx ndau, lengc jeiv nyei guv jienv tauv baengh fim zipv ndau, siang-zoux liangx-ndeic, caux Meiv Guoqv Buonv-deic Fingx juangc jienv goux longx ndau.

Setv muez nyei waac-pox

- 1 California Department of Food and Agriculture. (2020). "2020 Report to the California Legislature on the Farmer Equity Act." Last accessed Feb. 26, 2026 from <https://www.cdfa.ca.gov/farmerresources/pdfs/2020FarmerEquityReport.pdf>
- 2 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>



Gorngv muonc caux toux nyei gorngv-zunh se maaih yiem Meiv Guoqv Waac caux gorngv-zunh nyei nzutv norz waac se maaih yiem camv-fingx waac haih koi mangc yiem naaiv: bit.ly/ALETF-about